

QVÆSTIO MEDICA.
CARDINALITIIS DISPUTATIONIBVS MANE DISCVTIENDA
 IN SCHOLIS MEDICORVM DIE IOVIS XIX. MARTII.
M. GABRIELE BIARD, Doctore Medico, moderatore.

Estne frigida potus ventriculo noxius?

841.

VENTRICVLVS cibi & potionis receptaculum, ne alterutius duritie facile læderetur, duabus densissimis & firmissimis membranis quasi tergoribus contextus est: Habet & ille calorem plurimum, ut nulla corporis pars sit, cuius structura sit firmior, nulla quæ caleat æquè: Muniendo ventriculo studuit natura maximè quòd cæterorum viscerum princeps futurus esset, & illius integritate vis eorum omnis contineretur.

VENTRICVLI suus est & peculiaris calor, neque ipse mediocris, ut id omne quod suo excepit sinu, siue illud aridum sit, siue humidum, permutari, exteri & confici posset: fouetur is sanguine, quo plurimo perfusus est ventriculus, maximè verò complexu illo, quo iecur & lien feruida viscera ventriculum tenent: Validus ipse per se calor ytriulque visceris fomento augetur plurimum, ut nihil extet quo ali reficique corpus possit, quod illius vim effringere valeat.

AQVA quòd cuncta rerum frigore superet, frigida nomen obtinuit, varius illius vsus, in potu plurimus est in coque valdè commendatur, ut ad potum nihil illi proximum, nihil secundum habeatur: Certè Epota frigida, liquorum omnium qui bibuntur vna sitim prorsus extinguit, atque ea præcipua est potus ratio, vna potissimè ventriculum corroborat: quæ frigida vis eo maximè prædicanda nomine, quòd ventriculi robor maximi sit ad sanitatem, vitamque tuendam momenti, ut cui imbecillior sit ventriculus, is tenui, nulla potius sit valetudine, aut breui intereat necesse sit. Frigida porro ad potum expetenda illimis, sapore & odore nullo, *et maxime* leuissima, sed quæ tenuitate duntaxat æstimanda sit, non staterâ expedenda: his autem salubritatis insignita notis, neutiquam etiam ægrotanti decoquenda.

FRIGIDÆ potu innatus ventriculi calor inualefcit plurimum, ut qui antea diffusus sese collegerit, & contractis poris compactior, fibrif- que solidioribus firmior sit substantia, atque his *modis* & robor ventriculi consistit, ut is præcipue potus noxius & insensus sit ventriculo, qui illius substantiam & calorem exoluit: Vtrûmque cum præstet epota tepida, mirum quod nonnulli falsa delusi opinione existiment eum demum saluberrimum esse potum, qui ad teporem sanguinis proximè accedit: mirari etiam licet tepidam Veteribus in vsu fuisse frequenti, ut in con- uitiis nullus illis esset gravior potus, an quod hi in omnem effusi luxum decoquerent etiam salutarem frigida potum?

ADEO frigida potui consuescere multum est: Qui incendiariâ febre constictatur, potu frigida, (quæ singulare huiusce febris remedium est) faciliùs sanatur, si frigidam bibere assuetus fuerit: quin etiam epota frigida, ab imminente causi periculo vindicat, qui Sanus degit æstate, cælo feruidiore sitibundus, si cratera amplum frigida exsiccat diffuit illico sudore, scilicet innatus calor feruore aëris solutus & languescens frigida recreatus, sudore expellit malignum ichorem, quem exsiccatæ venæ ebiberant, cuius morâ diuturniore causus accendere- tur: Oculorum substantia neruosa est, eorum tamen acies excutitur quotidiano frigida fotu: mulieres, quarum imbecillior calor est, & mol- lior corporis textura, abstemiæ sunt fermè omnes integra valetudine: Pueri, quorum tenella est corporis substantia, etiam recens à lacte de- pulsi, frigidam bibunt nullo ventriculi damno: vsque eò accommodata est hominis naturæ frigida, ut hydropotæ ætatis, sexûsue discrimi- ne nullo, ferè semper bellè se habeant, *et diuturnioris vitæ.*

Ergo non est frigida potus ventriculo noxius.

P.L.P.
Bibliothèque

288

Proponebat Lutetiæ **MICHAEL MARE'S, Parisinus.** A.R.S.H.M.DC.XXXVII.